

佛說大集

會正法經

卷二

卷二



佛說大集會正法經卷第二

卷下

西天譯經三藏朝奉大士試鴻臚卿傳法師臣施護奉詔譯

今時世尊告普勇菩薩言汝今諦聽我念過  
去無量無數阿僧祇劫前值遇十二無厭如  
來應供正等正覺同名寶上我於今時修勇  
施行即以飲食衣服殊妙莊嚴亦寶瓔珞及

諸華鬘塗香等一一供養彼等諸佛時諸如  
來皆與我授阿耨多羅三藐三菩提記普勇  
我復又念過去劫中值遇十八俱胝如來應  
供正等正覺同名寶光我亦是時修勇施行  
亦以如上諸供具等一一供養彼等諸佛時  
諸如來亦皆與我授阿耨多羅三藐三菩提  
記普勇我復又念過去劫中值遇二十俱胝  
如來應供正等正覺同名頂生我亦是時修  
勇施行亦以如上諸供具等一一供養彼等  
諸佛時諸如來亦皆與我授阿耨多羅三藐  
三菩提記普勇我復又念過去劫中值遇二  
十俱胝如來應供正等正覺同名飲光我亦

是時修勇施行亦於彼初成道者如是等如  
來應供正等正覺所一一恭敬禮拜供養已  
即復以自神通力隱身不現又過六十俱胝  
佛刹見諸如來一一恭敬又過百俱胝佛刹  
見彼諸佛入般涅槃我時還復一一於彼恭  
敬供養從是復過九十五佛刹知彼如來皆  
久滅度所有正法將欲滅壞我於是時竊自  
思惟此佛正法將欲滅壞深為大苦作是念  
已生大悲愍是時復有欲色界天人龍神夜  
叉等皆大憂惱又見其中有一佛刹彼佛正  
法久已滅盡劫火熾然從四面起乃至大地  
須彌山王大海江河一切樹木皆悉已焚無

所依止唯一空界蕩然無際過是刹已即到  
下方於一世界見百千俱胝如來各坐寶蓮  
華座又見四方亦復如是彼等諸佛各各現  
為一切衆生說法化度世尊我既到彼佛刹  
已即作是念今此佛刹名字何等彼有一佛  
而告我言善男子今此佛刹名蓮華上我時  
即問化主世尊其名若何彼佛答言名蓮華  
藏如來應供正等正覺我於今時普皆作禮  
一心恭敬作是白言我今見此百千俱胝那  
庾多佛一一皆處寶蓮華座而復不知何者  
即名蓮華藏佛唯願示我化主世尊時彼蓮  
華藏如來於多佛中發是告言善男子蓮華

藏佛即我身是作是言已彼諸佛等而各忽  
然隱如來身現菩薩相我當是時唯見化主  
蓮華藏如來一佛世尊居大眾中相好威神  
無能勝者即以頭面作禮恭敬是時彼佛指  
蓮華座而謂我言善男子可就此座我於介  
時既就座已即見彼佛於其左右復有無量  
寶蓮華座殊妙莊嚴甚爲希有忽作是念如  
是等座云何皆空無能登者乃問彼佛而答  
我言善男子如此等座皆是不可思議上妙  
功德之所建立非少善根所能成就若人於  
佛法分有未入者尚不能見況復能登我時  
又問世尊當種何善根於此等座而乃得昇

彼佛荅言善男子若有人能於此大集會正法暫聽受者以是善根得昇此座何況更能書寫讀誦常所修習善男子汝於過去無量劫來已能受持如是大集會正法若不以是善根力故我此佛刹亦未能到況復得見此座而欲昇耶彼佛作是言已我即白言如是如是出尊我復又問彼佛此大集會正法有幾所功德而能生諸善法

爾時彼蓮華藏如來亦放希有淨妙光明普照佛會已而謂我言善男子汝大菩薩得大勢力智慧無礙能於一切諸佛刹土爲諸衆生稱揚佛事汝先已曾問彼娑婆世界釋迦

如來今以是法還復問我我當爲汝亦分別  
說譬言如有人於四大洲置以胡麻悉皆充滿  
如是相合都爲一聚是爲多不我即荅言甚  
多卅尊時彼佛言假使有人取一胡麻置於  
他處如是從一至一欲知其數善男子於汝  
意云何是人可能知其數不我復荅言不也  
卅尊是人雖竭其力經於多劫終不能知如  
是數量彼佛又言善男子此大集會正法所  
有福聚亦復如是非筭數譬喻之所能知正  
使如上所說數量一一皆是諸佛如來復經  
俱胝那庾多劫稱量讚歎此大正法聽受功  
德亦不能盡何況有人書寫讀誦其福甚多



我復又問若書寫者得幾所福願佛略說時  
彼佛言善男子譬如三千大千世界所有草  
木叢林盡取斷為一指節量一一量數皆是  
轉輪聖王又如三千大千世界所有土石盡  
碎微塵一一塵數皆是轉輪聖王如是等所  
有福聚若筭師等欲知其數汝謂是以知其  
數不我時荅言不也世尊如是福聚雖筭師  
等亦不能知彼佛又言若有書寫此大集會  
正法者所獲福聚亦復如是復多於彼筭數  
譬喻所不能知但能於此正法書寫一字是  
人所獲福聚已勝於彼況復有人於此正法  
授持一四句偈是人功德不可稱計一切寶

藏常所出現一切煩惱皆得銷滅一切法炬  
光明普照一切天魔無能勝者一切菩薩盡  
所觀察一切法門皆悉能入彼佛作是說已  
我即白言世尊若有衆生能於如是大集會  
正法修正行者乃得名爲寂上梵行而彼梵  
行即如來行若勤修習無間斷者是人即得  
百佛如來於晝夜中常現在前若見如來即  
入佛刹大佛刹已一切法藏皆能了知我於  
尔時作是言已彼蓮華藏佛又告我言善男  
子諸佛如來時一出現若得遇者是亦爲難  
說此正法復甚爲難得聞持者轉復甚難何  
以故若有聞此正法者是人於六十萬六千

八十劫中或得宿命智或為轉輪王帝釋淨  
光天大梵世主等能不壞正信不墮諸惡趣  
不生阿修羅無刀杖鬪諍又復遠離愚癡得  
大智慧相好端嚴猶如諸佛一一色相等無  
有異不為眷屬癡惱所纏常離病苦常得天  
眼不為那誡不生瞋恚又常遠離一切貧窶  
為銅輪王受大快樂諸根圓滿忍辱具足  
至臨命終時正念現前心不顛倒即時東方  
有十二殑伽沙數佛面現其前南方有二十  
殑伽沙數佛西方有二十五殑伽沙數佛北  
方有八十殑伽沙數佛上方有九十千俱胝  
佛下方有百俱胝佛如是等諸佛皆為現前

安慰其人咸作是言汝善男子勿生怖畏汝  
先已能有大功德而爲依怙汝今見此百千  
俱胝那庾多殑伽沙數佛卅尊不彼荅言見  
時諸佛言善男子此諸如來以汝功德力故  
俱來至此彼人復言我今以何善根力故而  
獲如是彼諸佛言汝父聞大集會正法

善根力彼人又言如我一人得聞正法尚獲  
如是無量功德何況能令盡有情界普得聞  
知時蓮華藏如來廣說彼臨命終人見諸佛  
已又告我言善男子若人得聞此大正法一  
四句偈者與彼供養十三殑伽沙數如來應  
供正等正覺所獲福聚等無有異又若有人

得聞此大集會正法者所有福聚譬如徧滿  
三千大千世界悉置胡麻是等麻量一一皆  
是轉輪聖王假使有人以諸珍寶各行布施  
如是輪王所獲福聚不如唯施一須陁洹若  
施一須陁洹不如施彼徧滿三千大千世界  
如前數量須陁洹若施如是須陁洹不如施  
一斯陁含若施一斯陁含不如施彼徧滿三  
千大千世界如前數量斯陁含若施如是斯  
陁含不如施一阿那含若施一阿那含不如  
施彼徧滿三千大千世界如前數量阿那含  
若施如是阿那含不如施一阿羅漢若施一  
阿羅漢不如施彼徧滿三千大千世界如前

數量阿羅漢若施如是阿羅漢不如施一緣  
覺若施一緣覺不如施彼徧滿三千大千世  
界如前數量所有緣覺若施如是緣覺不如  
施一菩薩若施一菩薩不如施彼徧滿三千  
大千世界如前數量所有菩薩若施如是菩  
薩不如於一如來發淨信心布施供養若於  
一如來信心供養不如於彼徧滿三千大千  
世界如前數量一切如來信心供養雖於如  
是一切如來信心供養不如有人於此大集  
會正法暫得聞持所獲福聚倍多於彼何況  
更能書寫讀誦如是功德不可稱計是時彼  
佛又告我言善男子汝可於此正法發淨信

心宣揚流布諸凡夫類於此正法不能得聞  
設有聞者生疑不信如何能入此大法聚譬  
如有人入於大海而欲盡見其水邊際汝謂  
是人而能見不我即荅言不也世尊又如有人  
臨於大海以手勺水欲盡枯涸汝謂是人  
而能成不我復荅言不也世尊是等愚人雖  
於海水欲知邊際欲盡枯涸終不能就徒自  
疲勞深為大失時彼佛言諸凡夫類亦復如  
是於此正法不能聽受於生死海妄生顛倒  
增長愚癡深為大失是人雖經百千俱胝那  
庾多如來應供正等正覺出現於世不種善  
根不得見佛不聞是法不為諸佛之所護念

若有智者能於百千俱胝那庾多佛所發淨  
信心見彼諸佛生大歡喜乃從諸佛得聞是  
法聞是法已即如實知不生輕謗是人得大  
善利即為諸佛共所護念若人於此正法能  
聽受書寫一四句偈者是人當生過九十五  
千俱胝佛刹已得生極樂世界見佛聞法壽  
命八萬四千劫彼蓮華藏佛復告我言若人  
於五逆罪或自所作或教他作或見聞隨喜  
是人當受五無間苦若有得聞此大集會正  
法一四句偈即得銷滅如是等業是時彼佛  
即復為我宣說伽陀

汝今聽我說

聞此經功德

往劫有一人



具造五種業

毀菩薩三昧

後即生追悔

我造眾惡業

其身皆破壞

遠離眾善友

我悉皆已焚

如世間舍宇

人皆絕愛樂

為業火所焚

人譏罵捶打

如是等報應

謂殺父害母

壞如來正智

憂惱復啼泣

非唯壞此身

從苦生於苦

為世所輕誚

無量劫善因

眾彩所莊嚴

我作罪亦然

自他非愛樂

常貧困飢渴

非別因所感

破和合僧伽

彼人作是罪

心生如是念

後世及多劫

苦受轉復深

世出世間法

破壞不增長

而忽為火焚

此世與他世

在在在世所生

苦惱眾所侵

皆從五業生

不善果無失

我今苦既然

誰為救護者

親友力不能

一切無依止

復作是思惟

我不如今時

往彼高山頂

墜身終此命

免增長惡業

轉生於苦惱

此世及他世

為惡業所壞

內既無依怙

身外亦復然

現為過失因

當受極惡報

彼作是念已

而復自啼泣

即時虛空中

有天女告言

悲哉汝愚癡

心生諸苦惱

無歸復無救

汝自作五業

殺父害母等

苦惱今自受

何故作是思

欲高山殞命

我今勸於汝

勿起愚癡見

但生悔過心

何須損身命

貪瞋癡三毒

從汝心所生

惡趣中苦惱

無由得免離  
此處命速盡  
爲汝設方便  
今可往一山  
彼能爲救護  
能離諸怖畏  
聞空中言已  
到已見一仙  
願仙救護我  
必墮於惡趣  
飲食及坐卧  
我今於仙人

雖欲絕身命  
後惡報速生  
佛菩薩聖道  
仙人修行處  
有寂勝方便  
銷除極惡業  
即詣於山中  
即時頭面禮  
我怖畏苦惱  
云何得免離  
常憂生苦惱  
生信心尊重

不得名精進  
汝今聽我言  
汝未能趣向  
汝當親敬禮  
謂上妙正法  
彼人於是時  
仙人修德處  
合掌白是言  
造極重五業  
我於晝夜中  
暫時無少樂  
如我所問者

願仙為我說

我造眾惡業

如何得銷滅

時彼仙荅言

汝問我當說

是時彼仙人

食已濯手足

即跏趺而坐

聽彼親自首

彼人時右繞

禮仙而退坐

白言我愚癡

殺父及害母

破和合僧伽

毀菩薩三昧

壞如來正智

造此五種業

彼仙闍是說

即時而謂言

汝實不善人

作如此等罪

彼人聞仙言

又復生憂惱

恐畏無所救

必當墮惡趣

是時從座起

禮彼仙人足

轉復生恭敬

作如是白言

仙人悲念我

極重惡業者

疑惑苦惱深

唯願作依怙

我雖如是悔

無出離方便

仙人慈悲

令我罪銷滅

仙聞是說已

安慰彼人言

汝今勿怖畏

我能為救護

一心開導汝

令汝離衆苦

得重罪銷滅

我即是所歸

佛有妙法門

名為大集會

是取上方便

汝昔曾聞不

彼人荅仙言

我昔未曾聞

仙人復告言

哀哉罪業者

如火已焚

誰當為說法

我今以悲心

示汝微妙法

汝今當善聽

我念往昔時

過無量無邊

阿僧祇數劫

時有一囉惹

無垢月為名

眷屬甚熾盛

以正法治世

囉惹於一時

而生育一子

即令召相師

觀彼善惡相

乃問相師言

今我此一子

為善為惡相

汝觀當云何

相師前白言

恠哉此一子

如我所觀者

其相極不善

囉惹復謂言

不善相云何

如汝所觀相

諦實為我說

相師作是白

此子至七歲

當起癡害心

斷於父母命

囉惹復告言

其相雖如是

寧弃我身命

此子終不壞

我若弃是

當不復人趣

即今諸眷屬

善養育我

其後彼童子

不久漸長大

是時無垢月

憶彼相師言

即生如是念

今我業恐至

有何所恠惜

既作是念已

乃勅令童子

汝今繼我位

復謂童子言

汝今當諦聽

今我此境界

廣大復殊異

如日月照出

富貴而自在

今我此提舍

悉當付於汝

我於此境中

不復為所有

時諸臣僕等

忽聞是事已

來詣無垢月

咸作是白言

我尊今何故

弃捨於境界

其事知云何

願尊為我說

無垢月荅言

汝等今當知

付提舍與子

亦非無因緣

我念於往昔

囉惹名蓮華

境界甚廣大

自在而富貴

而彼於一時

亦生於一子

其年漸長大

即害其父母

我今若不以

此提舍與子

當如彼蓮華

受無量苦惱

我常自思惟

不應生後悔

以是因緣故

我今當付彼

是時彼仙人

為造五業者

說是因緣已

復告彼人言

汝今造五業

極重過於彼

我生悲愍心

為汝設方便

汝可詣佛所

聽大集會法

若得聽受者

罪業皆銷滅

所有煩惱障

悉皆得無礙

以聞正法故

免墮於惡趣

若人能一心

聽大集會法

一四句偈者

獲無量福聚

滅五逆重罪

得廣大果報

一切諸蓋纏

剎那能解脫

時彼造業人

聞仙所言已

即合掌恭敬

一心頭面禮

作如是讚言

善哉善知識

能引示於我

大集會法門

仙人說此已

時有萬二千

諸天子眾等

來詣仙人所

各恭敬合掌

頭面禮仙足

復有四俱胝



諸大龍王衆

亦來詣仙所

以頭面禮足

又有萬八千

俱胝夜叉王

來詣於仙所

亦頭面禮足

俱白如是言

善哉大仙人

深了諸佛法

善開天界門

及滅億僧祇

三塗受苦趣

稱揚大集會

微妙最上法

有殊勝功德

能息諸重罪

若人於一偈

隨喜而聽受

乃可得名為

深種善根者

何況更一心

生尊重恭敬

以華鬘塗香

栴檀末香等

珍寶蓋幢幡

供養此正法

自作及勸他

見聞生隨喜

所獲諸福報

廣大無有窮

善哉汝仙人

真實具悲者

天子龍王衆

及夜叉王等

作是稱讚已

禮仙而不現

尔時普勇菩薩於釋迦牟尼佛前廣說蓮華藏如來稱讚大集會正法如是功德已合掌恭敬前白佛言世尊若復有人於此正法但能合掌頂禮恭敬所獲善利而復云何佛言普勇是人所獲福聚亦復無邊譬如無熱惱池龍王所居而彼宮殿日所不照有五大河一池水流出無有窮盡假使有人欲知池水一一滴數汝謂是人而能知不普勇白言不也世尊佛言此大集會正法所有善根廣大無比亦復如是假使有人欲知此法功德限量縱經千劫終不能盡又復普勇此法甚深難

解難了。一切如來所共尊重。若復有人須臾  
聽受。即得如是廣大利益。普勇菩薩復白佛  
言。世尊。彼五大河。其名何等。佛言。五大河者  
所謂。菟伽河。細多河。嚩芻河。閻牟那河。贊捺  
囉婆。誡河。此五大河。一一各有五百小河。而  
共圍繞。其水流。入於海。彼五大河。一一

河中。而復各有大龍王。所謂歡喜龍王。慶  
珂龍王。嚩漢底龍王。唧怛囉西那龍王。法思  
惟龍王。如是等龍王。各與一千眷屬。俱於閻  
浮提時。降甘雨。百穀苗稼。皆悉滋茂。乃至山  
川溪壑。林藪泉池。華卉菓葩。枝葉根莖。雨之  
所及。無不豐足。普勇當知。若有衆生。於此正

法起不善語業而生輕謗彼所獲罪無量無  
邊又復若有衆生於此正法發善語業而行  
讚歎彼所獲福聚亦無量無邊是人即能親  
近善友得見如來若得見佛即能銷滅一切  
罪障普勇譬如四大洲中有鐵輪王爲一洲  
主威猛自在廣大快樂復能利益一切人民  
今此大集會正法亦復如是於閻浮提中爲  
諸衆生作大利益若不得聞此正法者是人  
不能成就阿耨多羅三藐三菩提不能任菩  
提塲處師子座轉大法輪擊大法鼓亦復不  
能入涅槃界放大光明普照世間普勇菩薩  
復白佛言出尊彼蓮華上世界蓮華蕊如來

所說仙人而能令彼造主業者得滅重罪  
實不知居何等位願佛慈悲當為開示佛言  
普勇彼仙人者已得不退轉地久已成就大  
集會正法普勇當知諸佛語言甚深微妙若  
有聞此正法深生信受是即見彼仙人亦同  
見彼琬伽沙等諸佛如來殊妙色相諸佛愛  
敬諸佛稱讚常所安住諸佛三昧而能通達  
如是大集會正法

佛說大集會正法經卷第二

奄

